



# Comunu de Ìsili



## Provìntzia de Sud Sardinia

C.A.P.09056- TEL.0782/802013 - 802118 - P.I.00159990910

\*\*\*\*\*

e-mail [affarigenerali@comune.isili.ca.it](mailto:affarigenerali@comune.isili.ca.it) PEC: [protocollo.isili@pec.it](mailto:protocollo.isili@pec.it)

UNIDADI OPERATIVA

“AFÀRIUS GENERALIS – SERVÌTZIUS DEMOGRÀFICUS – SERVÌTZIUS SOTZIALIS”

### ASSÌNNIU DE NATALIDADI

ANNUALIDI 2025

### AVISU PÙBLICU

**CHI CUNTENIT IS CRITÉRIUS E IS “MANERAS DE FAI BESSIRI CONTRIBUTUS REGIONALIS PO ÒNNIA FILLU NÀSCIU, ADOTAU O IN AFIDU PREADOTIVU DE SU 2022 A SU 2025 A PROFETU DE NÙCLEUS FAMILIARIS RESIDENTIS O CHI PIGANT SA RESIDÉNTZIA IN IS COMUNUS SARDUS CUN POPULATZIONI PRUS BÀSCIA DE 5000 ABITANTIS”**

BIAS:

- Sa Deliberatzioni de sa Giunta Regionali N. 60/52 de su 05.06.2025 a ogetu *Disponimentus in matéria de cuntrastu a su spopolamentu. Lìneas de ghia po sa cuncessioni de contributus po ònnia fillu nàsciu, adotau o in afidu preadotivu a profetu de nùcleus familiaris chi bivint o pigant residéntzia in comunus cun populatzioni prus bàscia de 5.000 abitantis. Lei regionali 9 martzu 2022, n. 3, art.13, comma 2, lit. a) – Lei regionali 8 maju 2025, n. 12;*
- s’Allegau a sa Delib. G. R. n. 30/52 de su 5.06.2025 a ogetu *Lìneas de ghia po sa cuncessioni de contributus po ònnia fillu nàsciu, adotau o in afidu preadotivu in su cursu de su 2025 e sighbentis, a profetu de nùcleus familiaris chi bivint o pigant residéntzia in comunus cun populatzioni prus bàscia de 5.000 abitantis;*

Su Responsàbili de s’Unidadi Operativa “Afàrius Generalis – Servìtzius Demogràficus – Servìtzius Sotzialis”, pratighendi sa Determinatzioni sua nr. 78 in data 16.07.2025

FAIT ISCIRI ca

Est aprobau s’avisu pùblicu po sa presentada de is domandas chi pertocant su disponimentu

**“ASSÌNNIU DE NATALIDADI - L.R. NR. 3 DE SU 9.03.2022 ART. 13 COMMA 2 LIT. a), L.R.**

**NR 12 de su 08.05.2025**

## **ART.1- FINALIDADI E OGETU DE SU DISPONIMENTU**

Su disponimentu bolit incoragiri sa natalidadi in is centrus piticus, sustenendi sa preséntzia stàbbili de is famìllias cun fillus in is Comunus débilis po demografia. Su contributu si cuncedit in forma de assìnniu mensili:

- éuros 600 a su mesi po su primu fillu nàsciu, adotau o in afidu preadotivu;
- éuros 400 a su mesi po ònnia fillu imbenienti.

Su benefitziu est arreconnotu a is nùcleus familiaris chi bivint in manera stàbbili o chi movant sa residéntzia in is Comunus chi tenint populatzioni uguali o prus bàscia de 5.000 abitantis, censius in s'ISTAT a su 31 mesi de idas de su 2022, segundu is maneras presentadas in is paràgrafus chi sighint.

## **ART. 2 – RECHISITUS DE AMISSIBILIDADI**

Podint presentai domanda is nùcleus familiaris, fintzas a unu genidori feti, chi tèngiant totu custus rechisitus:

1. apant tentu unu fillu nàsciu, adotau o in afidu preadotivu:
  - a) de su 2022 in unu Comunu cun prus pagu de 3.000 abitantis;
  - b) de su 2024 in unu Comunu cun prus pagu de 5.000 abitantis;
2. apant portau sa residéntzia de unu Comunu cun populatzioni prus arta a unu cun populatzioni prus bàscia de is làcanas inditadas, in s'annu chi est nàsciu su fillu;
3. poderint sa residéntzia in su Comunu po a su mancu cincu annus de sighiu, a pena de pèrdiri su benefitziu;
4. a su mancu unu de is genidoris tèngiat residéntzia e bivat impari cun su minori;
5. non bivant in allògiu pùblicus in manera abusiva;
6. siant meris o chistidoris legìtimus (es. pop esoni, comodau o àteru tìtulu paris) de unu fràigu a funtzioni de abitu in su Comunu de residéntzia noa po totu sa simana chi gosant de su benefitziu;
7. tèngiant responsabilitadi genodoriali e/o de amparu legali;
8. siant citadinus italianus, de s'Unioni europea o de Paisus stràngius ma chi tèngiant permis de residéntzia regulari in territòriu natzionali.

## **ART. 3 – LÀCANAS E MANERAS DE PRESENTAI IS DOMANDAS**

Sa domanda de contributu “assìnniu de natalidadi” dd'at a pòdiri presentai:

- ✓ su babbu o mama chi pràtigat sa responsabilitadi genodoriali;
- ✓ s'afidatàriu in casu de afidamentu preadotivu;
- ✓ su rapresentanti legali de su genidori, in casu chi su genidori siat de edadi minori o inàbbili;
- ✓ su tutori autorizau de s'Autoridadi Giuditzziària a incasciai summas a profetu de is minoris.

Sa domanda bolit presentada, **AINTRU DE SU 10 DE GENNÀRGIU DE SU 2026**, a su Comunu de Ìsili mandendi una mail a s'indiritzu: [affarigenerali@comune.isili.ca.it](mailto:affarigenerali@comune.isili.ca.it), PEC: [protocollo.isili@pec.it](mailto:protocollo.isili@pec.it) o a manu a s'Ufitziu protocollu de su lunis a su cenàbura de is 10:00 a is 13:00. At a èssiri firmada in manera digitali o portai sa firma autògrafa de su o de is chi faint domanda e bolit acumpangiada, in

cust'ùrtimu casu, cun sa còpia bàlida de unu documentu de identidadi personali.

#### ***ART. 4 – MISURA E SPAINADURA DE SU CONTRIBUTU***

Su contributu podit andai paris cun àterus agiudus finantziàrius chi tèngiant finalidadis simbillantis e est arreconnotu a is nùcleus familiaris chi tenint is rechisitus inditaus in s'art. 2, segundu is summas chi s'ghint:

- éuros 600 a su mesi po su primu fillu nàsciu, adotau o in afidu preadotivu;
- éuros 400 a su mesi po ònnia fillu imbenienti.

Sa summa de su contributu si determinat cunformas a sa nàscida de su minori o de s'inserimentu de su nùcleu familiari in su cursu de su 2025 e in proportzioni a is mesis de residéncia efetivus po is sugetus chi mudant sa residéncia fàcias a Comunas ogetu de agevolatzioni. Su contributu est cumpatibili cun àteras misuras, statalis o regionalis, chi sustenint sa natalidadi.

#### ***ART. 5 – GESTIONI E MANERAS DE PRATIGAI SU DISPONIMENTU PO S'ENTI LOCALI***

Segundu is disponimentus de s'Allegau a sa Delib. G.R. n. 30/52 de su 05.06.2025, is Comunas interessaus depint publicai avisus pùblicos a isportellu, e ddui depint pigai parti fintzas is beneficiàrius de is annus passaus, po averigui su mantenimentu de is rechisitus;

- S'avisu depit èssiri cumpletu de:
  - ☐ Unu modellu de domanda de presentai cunformas a is artt. 46 e 47 de su D.P.R. n. 445/2000;
  - ☐ Sa previsionis de is cuntraventionis penalis in casu de decraratzionis frassas (artt. 75 e 76 D.P.R. n. 445/2000);
- Is amministrazionis comunalis tenint a incuru totu su protzedimentu, incruida s'averiguada de sa residéncia efetiva e su gosu de servìtzios localis de parti de su nùcleu familiari, po garantiri sa finalidadi de su disponimentu: promòviri sa stabilitadi residentziali e s'arraixinadura in is territòrius in arriscu de spopolamentu.

Su Comunu de Ìsili, s'ghendi is disponimentus regionalis, providit a aprontai e publicai s'avisu presenti, a donai s'ispainadura prus ampra a s'iniziativa po s'interventu "Assinniu de Natalidadi", e pùblicat cun custu avisu su modellu de pregunta de su contributu, de torrai in forma de decraratzioni cunformas a is artt. 46 e 47 de su D.P.R. n. 445/2000, cun is responsabilidadi penalis segundu is artt. 75 e 76 in casu de decraratzionis frassas.

Su Comunu arricit e gestit is demandas de is nùcleus familiaris, averiguat su possu de is rechisitus, sa beridadi de is datus decraus de is interessaus, segundu is normas chi pertocant sa chistioni.

## **ART. 6 – MANERA DE GESTIONI REGIONALI E TRAMUDA DE IS RESURTAS FATA DE S'AMMINISTRATZIONI REGIONALI**

Sa Dìretzioni generali de is Polìticas Sotzialis – Servìtziu cumpetenti, providit a s'assinnadura de is resursas po mèdiu de suas fileras a s'annu de paris importu, segundu is scedas chi is Comunus ant carrigau in sa retza in lìnìa SIPSO:

- ☐ Primu filera (abrilì): averiguada antitzipada de su disponimentu de is resursas, cuntrollu e resumu de is contus de is annualidadis passadas; sa partzidura si fait segundu is datus ISTAT prus recentis a pitzus de is nàscidas;
- ☐ Segunda filera (ladàmini): assetiadura de is assinnaduras segundu s'abbisòngiu efetivu;
- In assèntzia de critèrius de prioridadi, is contributus ant a èssiri arreconnotus in paris cantidades:
- ☐ éuros 600 a su mesi po su primu fillu nàsciu de sa dia chi est intrada in cursu sa norma (fintzas chi sa famìllia teniat giai àterus fillus nàscius innantis);
- ☐ éuros 400 po ònnia fillu imbenienti;

**Su Comunu de Ìsili at a protzèdiri cun sa spainadura de is contributus chi ant a ispetai a is interessaus sceti a pustis de àiri arriciu de parti de sa Regioni is resursas e abarrendi in is làcanas de cussas etotu.**

Is contributus ddus donat a is chi ndi tenint deretu su Comunu de Ìsili, chi gestit s'interventu, umperendi acréditu in s'IBAN de su contu currenti postali o bancàriu inditau in su mòdulu de domanda e segundu is importus chi spetant. Sa spainadura de s'assinnu at a tènniri contu de s'òrdini cronològicu de arribbu de is demandas, a pustis de àiri averiguau su possuessu de is rechisitus segundu s'art. 2, e chi depint abarrai po totu su tempus chi si gosat de su benefitziu.

## **ART. 7 – RESPONSABILITÀ DE SU PROTZEDIMENTU**

Su Responsàbili de su Prozedimentu, est sa Dut.ra Barbara Secci agiudada de s'Assistenti Sotziali Dut. Porcu Francesco.

Po àteras scedas cicai custus cuntatus:

- Telèfunu: 0782/870306
- E mail: [affarigenerali@comune.isili.ca.it](mailto:affarigenerali@comune.isili.ca.it)
- PEC: [protocollo.isili@pec.it](mailto:protocollo.isili@pec.it)

S'avisu s'at a pòdiri lìgiri in su situ istituzionali de su Comunu de Ìsili, <https://www.comune.isili.ca.it>.

## **ART. 8 - RICURSUS**

Contras a is disponimentus chi adotat su Comunu de Ìsili segundu custu prozedimentu si podit fai ricursu a su TAR cumpetenti aintru de 60 diis o puru ricursu straordinàriu a su Cabu de su Stadu aintru de 120 diis, in ambus is casus inghitzendi de sa dia de avisu o de comunicatzioni de is disponimentus etotu o de s'ora chi si funt connotus.

## **ART. 9 – INFORMATIVA PRIVACY**

S'informativa a pitzus de su manègiu de is datus personalis cunformas a s'artìculu 13 de su Regulamentu (UE) 2016/679 “GDPR” est a disponimentu e si podit biri in sa pàgina de incumentzu de su situ de su Comunu de Ìsili, setzioni “Servizi utili Ente”, a s'indiritzu <https://www.comune.isili.ca.it/isili/zf/index.php/servizi-aggiuntivi/index/index/idtesto/20064>.

Ìsili, 16 argiolas 2025

Su Responsàbili de su Servìtziu  
Dut.ra Doriana Schirru

Su Responsàbili de su Protzedimentu  
Barbara Secci